

№ 20

(4317)

2023-тй ар

25-тй  
куартолэзь  
(май)



Здравствуй! Потэ 1930-тй арысен

0+

Удмурт  
пинальёслэн но  
егитьёслэн  
газетсы

# Берпуметй гырлы

## Унябей сяськалэн төлземез кадь...



Агрыз ёросысь Сарсак-Омга лицейысь нылтёс Аня Варавинова но Карина Байкова 8-тй классын дышетско. Аръяёс унябей сяськалэн төлземез кадь туж жог ортчо. Уд но вала, кызыы школаез йылпумъян дырзы но вуоз. Соин нылтёс дышетско но туж тыршыса, проект ужъяёс лэсьто, пөртэм ужрадъяёсы но мыло-кыдо пырыськыло.

Ваньмон дыръяз Аня киужен вырыны яратэ, бисерлэсь, небыт (воздушной) пластилинлэсь олокыче но чебересь арбериос пөрмытъя.

Карина «5»-лы гинэ дышетскем сяна, эшшо олокытчы но вутске на. Со спортъя секция ветлэ, школабисытызы «Ялык» ансамблязы кырза, актэ, нош «Эдельвейс» театразы пөртэм рольёсты шудэ. Озыы ик со школаязы потйсь «Лицейские вести» но «Зечбур!» газетэ гожъяське.

Куартолэзе, ваньмыз сяськаяськыку, дышетскем туж ик уг поты ни, шуо нылтёс. Соин ик доразы куноос вуо ке, туж шумпотйськом, пе. Ми но та лицее котьку бурдъяськем мылкыдын мынйськом. Ма, кызыы, пе, сотэк. Соос угось котьку но зеч пумитало. Али но тани сёрамы пинальёс ас кынызы лэсьтэм синпель кузьымъяёссэс келязы. Удмурт газет-журналъяёсты татын туж мыло-кыдо лыдзо. «Зечбур!»-ез сизыымдон мурт басьтэ, пöлазы бигеръяёс но вань.

Бадзым тау тйледлы, сарсак-омгаос, зеч мылкыдды зечен ик мед берытскоз!

Ольга МОСКВИНА

Туспуктэмез авторлэн

## Пичи дырме кутысал

Улысь Балтач школае  
Котьку сюзэмам улэ.  
Лякытэсь дышетйсьёс –  
Улыны визьнодасъёс...

Мынысал но поръясал  
Улысь Балтач школатйм,  
Пичи дырме кутысал  
Бызыыса коридортй.

Теннисэн шудйсьёсты  
Учкысал скамья вылын.  
Син азам вань эшъяёсты  
Пуктысал, дыр, со вискын.

Гырлы ке жингыртысал,  
Дыртысал парта сёры,  
Нош тодам лыктысалзы  
Лөптыса пукылэммы.

Эх, тй школа аръяёсы,  
Кытчы-о бен кошкиды?  
Зарни, чебер дыръяёсы,  
Кытчы тй йыромиды?

Парта сёрын пукемъяёс,  
Ужамъяёс, серекъямъяёс...  
Малпанъяёсам кылёзы,  
Сюзэмам жингыртозы.

Влас ШАРТДИНОВ.

Бигиней гурт, Татышлы ёрос,  
Башкортостан.



Туспуктэмез **Алеся ГЛАВАТСКИХЛЭН**



## # Проектъёсты улонэ пычатыса

## «Вашкала–Туала»

«Вашкала–Туала» нимаське виль проект, кудзэ кылдытүз Николай Анисимов. Та проектлэн туж валтүсь но бадзым ужпумез: медаз быре кемалась кылдэм вашкала кырзанъёс. Та удмурт проект сярись рос-просгес тодыны шуд усиз.



– Николай, кызы кылдиз проект сярись малпанды?

– Таңе малпан кылдиз вал ини кемалась. Экспедициосы трос ветлйсько бере, трос гождясько но пумиськисько сыңе тунсыко кырзанъёсын, кудъёсыз мукетъёсызлы тодмо өвёл, соосты тодо кыңе ке гуртын, ёросын гинэ. Соин ик соосты кызы ке но калык азе поттыны малпай. Огшоры кабен, кызы вань,

поттыны ке, со калыклы туж ик тунсыко уз поты. Соин ик соосты туалараанжировкаен, туалараадямиослы, егитъёслы валамон кылын тупатъяса поттыны малпан кылдиз.

– Кызы малпаськоды, мар выльзэ ваёз та проектты калыкмылы?

– Кырзанъёс пыр удмурт калыкмылэн философияез, пыдлось малпанъёсыз, дунне шоры учконъёсыз усътысько. Крезьгур но, кылбур но герзаськемын адямилэн шулдыр яке жождь мылкыдъёсыныз, малпанъёсыныз, улэм–вылэменыз. Удмурт фольклорез та проект паськытгес вёлмытоз, Удмуртиын, Россиын гинэ өвёл, палэнын но, малы ке шуоно со Эстониысь выжы калыкъёслэн программазылэн юртгэменыз кылдиз. Соин ик сое Европаысь адямиос но быгатозы басьтыны, кызыны, адзыны. Бёрысьгес сое вотэсбамъёсысь но котькинлэн шедьтэмез луоз. Альбом дась ни, презентация пумысен малпаськиськомы на.

– Кыңе гуръёс, кырзанъёс пыртэмын та проект?

– Пыртэмын уйпал но лымшор удмуртъёслэн, Татарстанысь, Башкортостанысь удмуртъёслэн пöртэм лирической но сям-йылол кырзанъёссы.

Аделина КОРОЛЁВА,

Ижгарысь Кузубай Герд нимо гимназиын дышеткись.  
Туспуктэм басьтэмын Н. Анисимовлэн архивысьтыз

## # Инкуазь но тон

## Тулыс пумиськон

Инкуазь улземъя кёлэмысь султо куд–ог пöйшуръёс но. Чапак соос пöлысь одйгеныз пумиськыны шуд усиз милемлы. Пинальёсын, кыретй юмшаса ветлыкумы, венё бугорез – ёушъялэз – пумитамы. Нырысь учкыку сое уд но адзы кадъ куасьмем турып пöлысь, нош пинальёслэн лэчыт синъёссы сое шедьтэны ни. Туж тунсыко потыса дышеткисьёс котыртиз бергазы, синйылтйзы пöйшурлэсь пичиесь, сёд, бирды выллем, синъёссы, пичиесь пыдъёссы, югыт–курень венъёссы.

Ёушъялэз эскеремзы, чакламзы бере нюлэс кунозэс йöлэн утялтйзы. Нош классэ пырыса пыр–поч тодматскизы на пöйшурен. Уно тунсыко ивор тодйзы пöйшур сярись. Пумиськонлы сйзбыса, котькудйз пинал суредаз кагаз вылэ виль эшсэ.



Вера ПОТКИНА, визьнодась.

Мувыр шор ёзо школа, Шаркан ёрос.  
Туспуктэмез авторлэн

## # Гожтэтысь чуръёс

## «Зечбур!»-ен тодматскимы



Туннэ ми урокын тодматскимы «Зечбур!» газетэн. Отын вань пöртэм суредъёс, веросьёс. Туж яркыт но тунсыко газет. Мыным яраз.

Алена НИКИТИНА

Мон умой дышеткисько – «4»-лы но «5»-лы. Со сяна, мон ветлйсько Искусствоя яратйсько. Мынам вань пуны но кочыше. «Зечбур!» газетись гождямъёсты, суредъёсты учкыны кельшиз.

Лада ШКЛЯЕВА

Мон туж яратйсько эшъёсыным великен ворттылыны. Эшгёсы туж умоесь, ми соосын шудйськом, серекъяськом, котьмаин тунсыкъяськиськом. Эшшо мон яратйсько суредаськыны, соин ик дедэ монэ Искусствоосъя школае пыртйз.

Артём УСКОВ

Мон яратйсько суредаськыны, компьютерен шудыны, ветлйсько пöртэм кружокъёсы. Мынам вань Степан выны. Туэ со школае мыноз. «Зечбур!» газетын пинальёс сярись гождямын. Одйгысьтыз газетись школаысьтымы Кира нимо ныллэсь суредзэ адзй. Ваньмылэн мылкыдмы жутскиз газетэ гождяськыны.

Яна УСКОВА

Мон улйсько Зураын. Яратоно пудо–животэ – кролик. Туннэ урокын «Зечбур!» газет сярись тросэ тодймы. «Зечбур!»-лэн нырысетй номерез потйз 10-тй январе 1930-тй арын. Соку солэн нимыз «Дась лу!» вал. Газетэз кылдытон бордын ужазы трос тодмо удмурт адямиос: Кузубай Герд, Кедр Митрей, Пётр Блинов, Филипп Кедров но мукетъёсыз.

Дарья НИКИТИНА

Мон яратйсько эқтыны но суредаськыны. «Зечбур!» газет мыным туж тунсыко потйз.

Анна КАРДАПОЛЬЦЕВА

Эгра каргуртысь 2 номеро школа, 4-тй класс.

## # Гожтйськон

## Дыраз сямаськод, газетэн улод

Удмурт газет–журналъёслы нырысетй паларлы гинэ гожтйськыды? Эн вунэтэ гожтйськондэс азыланътыны. Гожтйськыны луэ пöртэм амальёсын: гуртысьтыды почтальонлы вазиськыса, йöскалык прессалэн юртаз 8(3412) 78-08-70, 8-951-195-37-65 номеро телефонъёсыя но «Зечбур!» редакцие 89508223705 номерья жингыртыса.

Озыы ик удмурт изданиослы гожтйськыны луоз Ижкар но Элькун Герберъёс дыръя – шулдыръяськонъёсын кунооссы пумиталоз йöскалык прессая юртлэн азбарез, гожтйськисьёс пöлын лотерея ортчытоз. Котькуд лыдзйсь кузьым утоз!

«Зечбур!» газетлэн кыкетй паларлы гожтйськон дуныз 369 манет 72 копейка.



# Педагоглэн но нодъясьлэн арез

# Анай кылмы чузъяськоз дауръёсын

*Ныльдон ныль ар чоже уни тодмо сюресэтӥз яратоно уж дураз вамыштэ дышетӥсьмы Екатерина Фоминична Гагарина. Удмурт кылъя но литература дышетӥсьмы анай кыллы яратон мылкыд пычатэ, туалала куронъесты лыдэ басьтыса чебер но вольыт вераськыны, гожъяськыны дышетэ.*

Аспӧртэмлыко урокъёс, нош малысоостужжогортчо? Валасаик вуоно өвӧл! Писательёс, кылбурчиос, тодосчиос, артистъёс, ужкыс азьмынӥсьёс, суредасъёс, крезгурчиос, ожгарчиос... – урокъёсын матысь эшгӥсьмы, соослы луыса эшшо но зечгес дышетскем потэ. «Синквейн» но «кластер» амалъесты чемысь кутӥськомы. Екатерина Фоминичналэн кивалтэмезъя пиналгӥс пӧртэм вожвылгъяськонгӥсы, предметной олимпиадаосы, проектъёсы, ёрос но элькун научно-практической конференциосы пырыськыло но вормисе потыло. Удмурт кылъя но литература олимпиадаосы пырыськыса пиналгӥслэн лыдзы арысь аре будэ, малы ке шуоно дышетӥсе котькуд пиналэз зечтодэ: тунсыкъяськонгӥссэ, быгатонлыкӥссэ, визьзэ. «Чингыли»



Е.Ф. Гагарина дышетскисьёсыныз удмурт газет-журналъесты лыдӟо.

нимо литературно-творческой но «Егит исследователь» нимо кружокъёсын кивалтэ, кытын пиналгӥс эскеро быгатонлыкӥссэс но дышетско вылезлы. Макем чебер кырӟа! Зэмос урок – концерт! Дышетӥсь, психолог, кузпал,

бадӟым сюлэмо анай, 11 полэс песанай, лякыт сямо, визьмо, мусо, ненег, яратӥсь луэмезъя ик, уноез пӧлысь висъяське со, магнит борды сямен котыраз бинялско пиналгӥс. Ас удысаз сюлмысь тыршемез понна, Екатерина

Фоминична пусъемын уно таукаронгӥсын, дипломгӥсын, грамотаосын, ёрос РМО-лэн ёзчиез, «С.А. Самсонов» нимо премилэн лауреатэз, дышетон удысысь сійедано ужась нимын пусъемын, монъяослэн чирдӥсь учызы. Валасько, ваньмыз ик потэ тыршем бордысь!

Дышетэм пиналгӥсыз пӧлын вань дышетӥсьёс, агрономгӥс, эмчиос, артистгӥс, журналистгӥс, инженергӥс, кивалтӥсьёс... Али ке но кусыпсы туж шуныт! Екатерина Фоминична – пӧзись опшмес, ялан выльзэ утча, шедьтэ, улоньсы чеберзэ адӟыны, уродзэ палэнтыны дышетэ, зэмос адями луыны, азылань валтэ эшгӥссэ. «Зучомон» висӥн милемлы кышкыт өвӧл, угось, милям гуртмы уз сётскы солы, юн нюръяськоз, осконо дышетӥсьмы вань бере, солы луыса ик, ми шумпотыса, мылысь-кыдысь дышетӥськомы удмурт кылмес, бырыны но ум сётэ! Озыен, оскон кылдэ: анай йӧлын пычам удмурт кылмы жингыр! чузъяськоз дауръёсын. Сюлмысьтым тау, яратоно дышетӥсе! Дан Тйледлы, удмурт дышетӥсе!

**Дарина СИЛАНТЪЕВА.**  
Вуж Монья школа.  
Пичи Пурга ёрос.

# Чигымтэ чидан

## Дышетскымтэысьтыз кӧтыз жож луылӥз

*11-тй куартолэзе Ижкарысь Йӧскалык библиотекаын «Чигымтэ чидан» конкурсын вормисьёсты зечкылазы. Со Бадӟым ож вакытэ шуг-секытгӥс пыр потэм нылпиослы но соослэн анай-атайгӥсылы сӥземын вал. Радъясьёсыз – «Удмурт дунне» газет но «Удмурт нылкышно кенеш» огазеяськон. Вормисьёслы коньдон премиос висъяз Кун Думаысь депутат Олег Гарин.*



соослэн вераськемзы пыр ик усьтыны тырши анаелэсь улон сюрессэ.

Мамае 4 класс гинэ дышетскемын. Менингитэн висеменыз, анаез школае лэзьымтэ ни, гуртын но уж трос, шуэм. Нош дышетскыны солы кельше вылэм. Лыдзисыкыны но туж яратэ вал. Дышетсконзэ азыланьтыны быгатымтэысьтыз, кӧтыз жож улӥз. Соин но, дыр, милемыз но нылпиоссэ, внукгӥссэ но одно ик зеч дышетскыны косылӥз».

Л.П. Чиркова очерказ анаезлэн курадӟыса, курастькыса ветлэмез пыр со вакытысь тросэзлэсь нылкышноослэсь улон сюрессэс возматэ. Соослэн чидамзылы луыса, улон шоры но мукет синмын учкыны кутскиськод кадь. Любовь Павловналэсь гожъямзэ «Удмурт дунне» газетсысь лыдӟемды луоз.

**Ольга МОСКВИНА**  
Туспуктэмъёсыз авторлэн

Вормисьёс пӧлын чош ужась эшмылэн Алеся Главатскихлэн анаез, Л.П. Чиркова, но вал.

«Котыкин сярсы гожъясько, нош аслам мамае сярсы номыр гожъяме но ой вал, – сюлэмзэ усътыз Любовь Павловна. – Нош со ке ой луысал, мон но ой луысал ук. Нылпиосы, внукгӥсы но солэн улэмез, шуг-секытгӥсты вормыны быгатэмез сярсы мед тодозы

шуыса гожтоно кариськи. Вормисе пото шуыса ой но малпалля, материалме коты мед печатлалозы, шуисько вал».

Л.П. Чирковалэн очерказ внучкаезлэн песянаеныз вераськемез пыр гожтэмын. Отысь люкетсэ соос пумиськон дыръя но возматӥзы. Любовь Павловна анайзэ шудӥз, нош Катя внучкаез

– аслэсьтыз мамазэ, Алеся Александровнаез. Сценкаез йылпумъяса, сюлэмез бугыртӥсь кырӟан быдэстӥз мукетыз внучкаез – Юлия Главатских.

«Бадӟымез нылы Маша, Алесяез вераны быгатымтэеныз, Ася шуылӥз. Алеся пичи дыръяз песяз бордын лякиськыса улӥз, весь юалляське вал солэсь. Озы,



# Выжыкыл

# Кызы чипыос кулонлэсь утизы



Пичи гуртын, песянай дорын куинь курегъёс улизы: Сьодбыж, Тодьбырд но Гордань. Куинь кузя ке но, куспазы туж тупазы. Огпол соослэн нюлэскы мынэмзы потйз. Нокинлы вератэк, асьсэ понна кошкызы.

Порьяло ни курегъёс нюлэс кушетй кырзаса, узы-боры бичало. Шодтэк шорысь писпу сьорысь зичы потйз! Курегъёс азьзэс-берзэс адзытэк бызизы. Тани-тани зичы кутоз соосты. Кышкаменызы-а мар-а, бурдъёссы курегъёсты асьсэос вылие жутйзы. Лобзыса соос куакъёс пöлы пегзыны быгатйзы. Зичы öз вала ни, палэнэ шонтйз.

Мыно ни курегъёс шок-пуль шокаса, ог-огзылы кышкамзэс верало, охранатэк

бызбыса кошкызы. Ярам, гурт пумын ик курег гид сюрис. Эшъёс отчы пырыса, öссэс ворсаса вуттйзы гинэ но адзö – зичы соос сьоры бызе ни. Со гидын пичи чипыосыныз Куçо курег гинэ улэ вылэм.

нюлэскы ум ни, пе, поталэ.

– Эшъёс, асьмеос нош шонер-а мынйськом? – шуак дугдйз Тодьбырд.

Курегъёс валазы йыромемзэс. Мар-о меда кароно таре?

– Учке ай, тйни отын гурт адзйське кадь ук? – коркаос пала возматыса вераз Гордань.

– Бен ойдолэ ук жоггес, зичы кутэмлэсь азьло, – эшъёссы дыртытйз Сьодбыж.

Курегъёс нош ик

«Тйни отчы, висъет сьоры пегзе», – вераз со öттымтэ куноосызлы.

Ватскыса вуттйзы гинэ – öсэти зичы пыре. Тани зичы Куçо доры матэктэ ни. Шодтэк шорысь куреглэн гонъёсысьтыз трос-трос венъёс адзйськызы. Со быдэсак çушъял кадь луиз. Зичы кышказ, синтэм-пельтэм пегзйз курег гидысь. Нош Куçо куреглэн бурдъёсыз улысь пичи чипыос потйзы. Соос юри, зичыез кышкатон понна, векчи лэчыт ныръёссэс мычиллям анайзылэн гонъёсыз улысь. Озыы пичи çуж комокъёс курегъёсты кулонлэсь утизы.

Сьодбыж, Тодьбырд но Гордань тау карыса доразы бертйзы. Асьсэ понна нюлэскы соос öз ветлэ ни.

Ольга МОСКВИНА

Суредзэ Екатерина МЕНЗАРИПОВАЛЭН

1. Сьодбыж, Тодьбырд но Гордань 10 иськемез час куспын бызё вал. Зичылэсь кышкатскыса курегъёс жоглыкэс будэтйзы. Куçо курег доры вуытозязы, соос кык иськемез 8 минут но 60 секундскын ортчйзы. Кыçе жоглыкэн бызизы курегъёс?

2. Сьодбыжлэн но Горданьлэн пузъёссы гордэсь луо. Нош Тодьбырдлэн – тодьыесь. Арняяз песянай 11 горд но 6 тодьы кукей басьтэ вал. Нюлэскы пегамзы бере Тодьбырд арняяз кык-пузлы ичигес. Нош Сьодбыж – азьло мында ик кукей сётйз. Зеч улон ва-кытазы Тодьбырд но Гордань одйг-мында пузало вал. Арняяз көня ку-регпуз бичаз кузё кышно курегъёсыз йышылэм бере?

# Тодйськоды-а тй?

Музьем вылын 8 миллиард пала адымиос уло. Нош курегъёслэн лыдзы 25 миллиард пала. Озыен, котькуд адымилы быдэн 3-4 курег усё.

Куреглэн учкон диапазонэз 300 градус, адымилэн – 180 градус.

Курегъёс пересьмытозязы туж умой кыло. Соослэн пельысьтызы кылон клеткаоссы

весь вильдйсько. Соин, туж пересь, 14 аресъем курегъёс но чипыос выллем ваньзэ зеч кыло.

Адымилэн сетчаткаез горд, лыз, вож спектръёсты гинэ висъя ке, куреглэн синмыз ультрафиолетовой спектрэз шодэ на. Соин валче курегъёс 100 миллион буёлэз адзö, нош адыми 1 миллион гинэ.

Изыкы куреглэн йырысьтыз одйг люкетэз гинэ шутэтске. Соин, марысь мар ке, курег туж жог сайка.

Кукей курег пушкын 25 час куспын кылдэ.

Курегъёс огшоры гинэ уг коткетö, соослэн куспазы вераськон куараоссы куамынлэсь ятыр.

# Серем пыры

Ужысь бертыкум, коçышъёсылы курег йыръёс басьтыны магазинэ пыри. Жадеменым-а, мар-а сураськыса верасько:  
– Коçыш йыръёсты вань-а?  
Вузкарись нокыçе карись-кытэк юа:  
– Курегъёстэс сюдоды-а?

Бамез дасяз Ольга МОСКВИНА

Зечбур! (Здравствуй!)  
Газета зарегистрирована  
Федеральной службой  
по надзору в сфере связи,  
информационных технологий и  
массовых коммуникаций  
(Роскомнадзор).  
Номер реестровой записи  
ПИ № ФС77-72326 от 14.02.2018.

Главный редактор  
А.В. Ермолина  
Телефон:  
8 950 822 37 05  
Электронный адрес:  
zechbur@mail.ru  
Печатлэське арнялы одйг пол –  
покчиарняе (четверге)

Учредитель газеты:  
Автономное учреждение Удмуртской  
Республики «Издательский дом  
национальной прессы»  
Адрес Редакции:  
426011, г. Ижевск,  
ул. Пастухова, 13  
Адрес Издателя:  
426008, г. Ижевск,  
ул. Карла Маркса, 274

Объём 1 п. л.  
Индексы: П5720, П4630  
Тираж 900  
Отпечатана на АО  
«Ижевский полиграфический  
комбинат»  
(426039, г. Ижевск,  
ул. Воткинское шоссе, 180)  
Подписано к печати – 10.00  
По графику – 10.00  
Цена свободная.  
Заказ № 617